



МОНГОЛ УЛС
ХӨВСГӨЛ АЙМГИЙН ЗАСАГ ДАРГЫН
ЗАХИРАМЖ

2022 оны 03 сарын 16 өдөр

Дугаар А/99

Мөрөн сум

Цэрэг татлагын товчоо байгуулах,
урьдчилсан үзлэг явуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, 60.1.5, 66 дугаар зүйлийн 66.1, Цэргийн албаны тухай хуулийн 12 дугаар зүйлийн 12.4, 13 дугаар зүйлийн 13.1, 13.2.2, 13.6, Захиргааны ерөнхий хуулийн 40 дүгээр зүйлийн 40.2, 94 дүгээр зүйлийн 94.1, Засгийн газрын 2017 оны 144, 2018 оны 80 дугаар тогтоол, аймгийн Иргэдийн Төлөөлөгчдийн Хурлын 2021 оны 05 дугаар тогтоолыг тус тус үндэслэн ЗАХИРАМЖЛАХ нь:

1. Аймгийн хэмжээнд цэргийн жинхэнэ алба хаах хугацаа дуусч бэлтгэлээр халагдсан бэлтгэл байлдагч, түрүүчийг хүлээн авах, цэргийн жинхэнэ албанд иргэдийг татах, цэргийн дүйцүүлэх албанд авах ажлыг 2022 оны 04 дүгээр сарын 11-ний өдрөөс эхлэн мөн оны 05 дугаар сарын 15-ны өдрийн хооронд зохион байгуулж явуулсугай.

2. Цэрэг татлагын товчоог дараах бүрэлдэхүүнтэйгээр томилсугай. Үүнд:

Товчооны дарга: П.Ариунбат (Аймгийн Засаг даргын Тамгын газрын даргын албан үүргийг түр орлон гүйцэтгэгч)

Орлогч дарга: С.Батхуяг (Аймгийн Засаг даргын Тамгын газрын Цэргийн штабын дарга, хурандаа)

Гишүүдэд:

- М.Алтаншагай (Аймгийн Засаг даргын Тамгын газрын Хууль, эрх зүйн хэлтсийн дарга)
- Ч.Ганбаатар (Аймгийн Засаг даргын Тамгын газрын Нийгмийн бодлогын хэлтсийн дарга)
- Т.Ганхуяг (Аймгийн Цагдаагийн газрын дарга, дэд хурандаа)
- М.Үүрийнбаяр (Аймгийн Эрүүл мэндийн газрын дарга)
- Г.Оюунжаргал (Аймгийн Нэгдсэн эмнэлгийн дарга)
- Л.Юмжирдулам (Нийгмийн даатгалын хэлтсийн дарга)
- Т.Анхбаяр (Аймгийн Засаг даргын Тамгын газрын Цэргийн штабын орон нутаг хамгаалалт, сургалтын офицер)

Нарийн бичгийн дарга: Ү.Батбаяр (Аймгийн Засаг даргын Тамгын газрын Цэргийн штабын Тоо бүртгэлийн офицер, дэд хурандаа)

3. 2022 оны цэрэг татлагын эмнэлгийн урьдчилсан үзлэг явуулах хуваарийг нэгдүгээр, шаардагдах зардлын тооцоог хоёрдугаар хавсралтаар тус тус баталсугай.

4. Цэрэг татлагын товчооны ажил үүргийн хуваарийг дор дурдсанаар тогтоож, гишүүдэд үүрэг болгосугай.

а/ Цэрэг татлагын ажилтай холбоотой хууль эрх зүйн баримт, тухайн ажлын онцлогийн талаар зааварчилгаа өгч, бусад зохион байгуулалтын арга хэмжээ авч ажиллахыг Засаг даргын Тамгын газрын Хууль, эрх зүйн хэлтсийн дарга (М.Алтаншагай)-д

б/ Монгол улсын Засгийн газрын 2017 оны 144 дүгээр тогтоолоор батлагдсан “Иргэнийг цэргийн жинхэнэ албанд эрүүл мэндээр тэнцүүлэх болон цэргийн албан хаагчийн эрүүл мэндийн байдлыг тодорхойлох журам”-ыг удирдлага болгон эмнэлгийн урьдчилсан үзлэгийг зохион байгуулж Зэвсэгт хүчний Жанжин штабаас өгсөн тоон даалгаврыг биелүүлэхийг аймгийн Цэрэг татлагын товчооны орлогч дарга, (хурандаа С.Батхуяг), Нэгдсэн эмнэлгийн дарга (Г.Оюунжаргал) нарт

в/ Эмнэлгийн үзлэг явуулах эмч нарын бүрэлдэхүүнийг мэргэжлийн дагуу томилон ажиллуулахыг Эрүүл мэндийн газрын дарга (М.Үүрийнбаяр)-д

г/ Бэлтгэлээр халагдаж ирсэн цэргийн үүрэгтнүүдийг бүртгэж ажлын байрны мэдээллээр хангаж, төрөл бүрийн сургалтад хамруулах арга хэмжээ авч ажиллахыг Засаг даргын Тамгын газрын Нийгмийн бодлогын хэлтсийн дарга (Ч.Ганбаатар), Цэргийн штабын орон нутаг хамгаалалт, сургалтын офицер (хошууч Т.Анхбаяр) нарт

д/ Цэрэг халалт таталтын арга хэмжээний үед хэв журам сахиулах ажлыг ханган ажиллахыг Аймгийн Цагдаагийн газрын дарга, (дэд хурандаа Т.Ганхуяг)-д


е/ Цэргийн жинхэнэ албаны татлагаар зарлан дуудах мэдэгдэл авсан иргэн тогтоосон өдөр, цагт цэрэг татлагын байр,товлосон газар ирээгүй бол хуульд заасан хариуцлага оногдуулж ажиллахыг Цэргийн штабын дарга (хурандаа С.Батхуяг)-д

5. Цэргийн албанд татагдагчдын эрүүл мэндийн урьдчилсан болон давтан үзлэг, цэрэг халалт, татлагыг ямар нэгэн зөрчил дутагдалгүй зохион байгуулахыг Цэрэг татлагын товчооны дарга (П.Ариунбат)-д даалгасугай.

6. Цэрэг халалт, таталт, эмнэлгийн үзлэг явуулахад шаардагдах зардалд нийт 15.000.000 (Арван таван сая) төгрөгийг 2022 оны цэрэг татлагын зардлаас гаргахыг аймгийн Засаг даргын Тамгын газрын даргын ажил үүргийг түр орлон гүйцэтгэгч (П.Ариунбат)-д зөвшөөрсүгэй.

7. Энэ захирамжийг оролцогчид мэдэгдсэнээс хойш 30 хоногийн дотор эрх бүхий этгээдэд гомдол гаргах эрхтэй болохыг дурдсугай.

ДАРГА



Ш.ИДЭРБАЯСГАЛАН